


白石巖散錄

卷三四

二

25
八
1



智門蓮華何葉
 雪峰作孽鼻蛇
 保福是妙峯頂
 劉鐵磨老特牛
 運其塔主丈
 百丈獨坐大雄
 雲門體露金風
 南泉不說直法
 久隋隨佗去也
 趙別大羅高須

麻谷持錫遠來
 定上坐佛法意
 陳操具一隻眼
 仰山不曾遊山
 文殊前三後三
 長沙芳艸落花
 盤山三界無法
 夙穴祖師心印
 之門空花葉欄
 陸亘天地同根

佛果園悟禪師碧巖錄卷第三

垂示云建法幢立宗旨錦上鋪花脫籠頭卸角獸太平

時節或若辨得格外句舉上明三其或未然依舊伏聽

更分

一舉僧問智門蓮花未出水時如何釣在不疑之地泝

裏洗土塊那裏得這消息來智門云蓮花一二三四

五六七疑殺天下人僧云出水後如何莫向鬼窟裏

作活計又作麼去也門云荷葉幽州猶自可最苦是

江南兩頭三面築殺天下人

智門若是應機接物猶較些子若是截斷眾流千里萬
里且道這蓮花出水與未出水是一是二若恁麼見得

許你有箇入處雖然如是若道是一箇頂佛性龍狗真
如若道是二心境未忘落在解路上走有什麼歇期且
道古人意作麼生其實無許多事所以投子道你但莫
着名言數句了諸事自然不着即無許多位次不同
你一切法一切法攝不得本無得失夢幻如許多名目
不可強與作安立名字誰說你諸人得麼你諸人問故
所以有言你若不問教我向何道什麼即得一切事皆
是你將得來都不干我事古人道欲識佛性義當觀時
節因緣不見雲門舉僧問靈雲云佛未出世時如何雲
豎起拂子僧云出世後如何雲亦豎起拂子雲門云前
頭打着後頭打不着又云不說出與不出何處有伊問

時節也古人一問一答應時應節無許多事你若尋言
逐句行無交涉你若能言中透得言意中透得意機中
透得機放令閑閑地方見智明答話處問佛未出世時
如何牛頭未見四祖時如何斑石內混沌未分時如何
父母未生時如何雲門道從古至今只是一段事無是
無非無得無失無生與未生古人到這裏放一綫道有
出有入若是未了底人扶離摸壁依草附木或教他放
下又打入莽莽蕩蕩荒荒處去若是得底人二六時中
不依倚一物雖不依倚一物若露一機一境作麼生摸
索他這僧問道蓮花未出水時如何智明云蓮花便只
攔問下答不妨奇特諸方皆謂之顛倒語那裏如此不

見出頭道常書開口已前猶較些子古人露機處已
是漏逗了也如今學者不省古人意只管去理論出水
與未出水有什麼交涉不見僧問智明如何是般若體
明云蚌含明月僧云如何是般若用明云兔子懷胎着
他如此對答天下人討他語脉不得或有又問來山道
蓮花未出水時如何只對他道露柱燈籠且道與蓮花
是同是別出水後如何對他道杖頭挑日月脚下太泥
深你且道是不是且莫錯認定盤星雪竇恁煞慈悲打
破人情解所以須出

蓮花荷葉報君知老婆心切見成公案文彩已露出
水何如未出水時泥裏洗土塊分開也好不可籠洞去

也江北江南問王老丰人公在什麼處問王老師作
什麼你自踏破草鞋一狐疑了一狐疑一坑埋却自
是你疑不免疑情未息打云會麼

智明本是浙人得得入川參香林既徹却回住隋州智
明雪竇是他的子見得好竅玄極妙直道蓮花荷葉報
君知出水何如未出水時這裏要人直下便會山僧道未
出水時如何露柱燈籠出水後如何杖頭挑日月脚下
太泥深你且莫錯認定盤星如今人咬人言句者有甚
麼限你且道出水時是什麼時節未出水時是什麼時
節若向這裏見得許你親見智明雪竇道你若不見江
北江南問王老雪竇意道你只管去江北江南問尊宿

出水與未出水江南添得兩句江北添得兩句一重添
一重展轉生疑且道何時得不疑去如野狐多疑冰凌
上行以聽水聲若不鳴方可過河參學人若一狐疑了
一狐疑幾時得平穩云
垂示云大方無外細若隣虛擒縱非他卷舒在我必欲
解粘去縛直須削迹吞聲人人坐斷要津箇箇壁立千
仞且道是什麼人境界試舉看

三舉雪峯示衆云南山有一條鼈鼻蛇見怪不怪其怪
自壞大小大怪事不妨令人疑着汝等諸人切須好
看因一場漏逗長慶云今日堂中大有喪身失命
普州人送賊已妙人僧舉似玄沙同坑無異土灰

見婢數勤同病相憐玄沙云須是稜兒始得雖然如
此我即不焦麼不免作野狐精見解是什麼消息毒
氣傷人僧云和尚作麼生也好撥着這老漢玄沙云
用南山作什麼釣魚船上謝三郎只這野狐精猶較
些子喪身失命也不知雲門以拄杖攬向雪峯面前
作怕勢怕他作什麼下子親得一等是弄精鬼諸人
試辨看

你若平展一任平展你若打破一任打破雪峯與巖頭
欽山同行凡三到投子九上洞山後參德山方打破漆
桶一日率巖頭訪欽山至鰲山店上阻雪巖頭每日只
是打睡雪峯一向坐禪巖頭喝云竟眠去每日床上恰

似七村裏土地相似作時後日魔忌人家男女去在峯
自點曾云某甲這裏未穩在不敢自瞞頭云我將謂你
已後向孤峯頂上盤結草庵播揚大教猶作這箇語話
峯云某甲實未穩在頭云你若實說此據你見處下一
通來是處我與你證明不是處與你剋却峯遂舉見
官上堂舉色空義得箇入處頭云此去三十年切忌舉
着峯又舉見洞山過水須得箇入處頭云若與麼自救
不了後到德山問從上宗乘中事學人還有分也無山
打一棒道什麼我當時如桶底脫相似頭遂唱云你不
聞道從門入者不是家珍峯云他後如何即是頭云他
日若欲播揚大教一一從自己曾襟流出將來我蓋

天蓋地去峯於言下大悟便禮拜起來連聲叫云今日
始是鰲山成道今日始是鰲山成道後回閩中住象骨
山自合作頌云人生修忽暫須臾更淨世那能得久居出
嶺纔登三十二入閩早是四旬餘他非不用頌頌舉已
過應須旋旋除奉報滿朝朱紫貴閩王不怕金魚凡
上堂示衆云一一蓋天蓋地更不說玄說妙亦不說心
說性突然獨露如火火聚近之則燎却回門似太阿劍
擬之則喪身失命若也佇思停機則沒干涉只如百丈
問黃檗甚處去來檗云太雄山下採菌去來文云還見
太蟲麼檗便作虎聲大便拈斧作斫勢檗遂打百丈一
搥大吟吟而笑便歸坐座謂衆云大雄山有一太蟲汝

等諸人須好者老僧今日親遭一趙州凡見僧便問曾到此間麼云曾到或云不曾到州總云喫茶去院主云和尚尋常問僧曾到與不曾到總道喫茶去意旨如何州云院主主應諾州云喫茶去紫胡門下立一牌牌上書云紫胡有一狗上取人頭中取人腰下取人脚擬議則喪身失命或新到纔相者師便喝云看狗僧纔回首師便歸方丈正如雪峯道南山有一條鼈鼻蛇汝等諸人切須好者正當恁麼時你作麼生祇對不躡前蹤試請道看到這裏也須是會格外句始得一切公案語言舉得將來便知落處看他恁麼示眾且不與你說行說解還將情識測度得麼是他家兒孫自然道得恰

好所以古人道承言須會宗旨自立規矩言須有格外句須要透關若是語不離窠窟墮在毒海中也雪峯恁麼示眾可謂無味之談塞斷人口長慶玄沙皆是他家屋裏人方會他恁麼說話只如雪峯道南山有一條鼈鼻蛇諸人還知落處麼到這裏須是具地方眼始得不見真淨有頌云打鼓弄琵琶相逢兩會家雲門能唱和長慶解隨邪古曲無音韻南山鼈鼻蛇何人知此意端的是玄沙只如長慶恁麼祇對且道意作麼生到這裏如擊石火似閃電光方可搆得若有纖毫去不盡便搆他底不得可惜許人多向長慶言下生情解道堂中纔有聞處便是喪身失命有者道元無一星事平白地上

說這般話疑人問他道南山有一條鼈鼻蛇你便疑
著若恁麼會且得沒交涉只去他言語上作活計既不
恁麼會又作麼生會後來有僧舉似玄沙玄沙云須是
稜兒始得雖然如是我即不恁麼僧云和尚又作麼生
沙云用南山作什麼若不是玄沙也大難酬對只如他恁麼
用南山作什麼道南山有一條鼈鼻蛇且道在什麼處到這裏須是向
上人方會恁麼說話古人道釣魚船上謝三郎不愛南
山鼈鼻蛇却到雲門以拄杖攔向雪峯面前作怕勢雲
門有弄蛇手脚不犯鋒鏑明頭也打着暗頭也打着他
尋常爲人如舞太阿劍相似有時飛向人眉毛眼睫上

受下

有時飛向三千里外取人頭雲門攔拄杖作怕勢且不
是弄精龜他莫也是喪身失命麼作家宗師終不去一
言一句上作活計雪竇只爲愛雲門熱證得雪峯意所
以須出

象骨巖高人不到千箇萬箇摸索不着非公境界到
若須是弄蛇手是精識精是賊識賊成群作隊作什
麼也須是同火始得稜師備師不奈何一狀領過
過一着喪身失命有多少罪不重科帶累平人韶陽
知猶較些子這老漢只具一隻眼老漢不免作伎倆
重撥草落草漢有什麼用處果然在什麼處便打南
北東西無處討有麼有麼闍黎眼暗忽然突出拄杖

頭看高着眼便打拋對雪峯大張口自作自受吞却
千箇萬箇濟什麼事天下人摸索不着大張口舌同
閃電兩重公案果然賴有來後句剔起眉毛還不見
蹉過了也五湖四海覓怎麼人也難得如今在什麼
處如今藏在乳峯前向什麼處去也太小雪竇也作
這去就山僧今日也遭一口來者一一看方便瞎莫
向脚跟下看看取上座脚跟下着一箭了也師高聲
喝云看脚下賊過後張弓第二頭第三頭車言不當
啞

象骨巖高人不不到者須是弄蛇手雪峯山下有象骨
巖雪峯機鋒高峻罕有人到他處雪竇是他屋重人毛

羽相似同聲相應同氣相求也須是通方作者共相證
明只這鼈鼻蛇也不妨難弄須是解弄始得若不解弄
反被蛇傷五祖先師道此鼈鼻蛇頭是有不傷犯手脚
底機於他七寸上一捏捏住便與老僧把手共行長慶
玄沙有這般手脚雪竇道稜師備師不奈何人多道長
慶玄沙不奈何所以雪竇獨美雲門且得沒交涉殊不
知二人中機無得失只是有親疎且問諸人什麼處是
稜師備師不奈何處喪身失命有多少此須長慶道全
日堂中大有入喪身失命到這裏須是有弄蛇手子細
始得雪竇出他雲門所以一時撥却獨存雲門下箇道
韶陽知機草盡爲雲門知他雪峯道南山有一條鼈

鼻蛇落處所以重撥草雪竇頌到這裏更有妙處云南北東西無處討你道在什麼處忽然突出拄杖頭示來只在這裏你不可便向拄杖頭上作活計去也雲門以拄杖攬向雪峯面前作怕勢雲門便以拄杖作龍鼻蛇用有時却云拄杖子化爲龍吞却乾坤了也山河大地甚處得來只是一條拄杖子有時作龍有時作蛇爲什麼如此到這裏方知古人道心隨萬境轉轉處實能隨頌道拋對雪峯大張口大張口方同閃電雪竇有餘才拈出雲門毒蛇云只這大張口方同於閃電相似你若擬議則喪身失命剔起眉毛還不見向什麼處去也雪竇頌了頌去活處爲人將雪峯蛇自拈自弄不妨殺活

臨時要見麼云如今藏在乳峯前乳峯乃雪竇山名也雪竇有頌云石牕四顧滄溟寒寒不許白雲白長慶玄沙雲雨雖弄得了不見却云如今藏在乳峯前來者一一看方便雪竇猶涉廉纖在不言使用却高聲喝云看脚下從上來有多少人拈弄且道還曾傷着人不曾傷着人師便打

垂示云玉將火試金將石試劍將毛試水將杖試至於衲僧問下一言一句一機一境一出入一挨一拶要見深淺要見向背且道將什麼試請舉看

三舉保福長慶遊山次這兩箇落草漢福以手指云只這裏便是妙峯頂平地上起骨堆切忌道着地深

埋慶云是則是可惜許若不是鐵眼銅睛幾被感了
同病相憐兩箇一坑埋却雪竇着語云今日共這漢
遊山圖箇什麼不妨減人片兩猶較些子傍人按劍
復云百千年後不道無只是少少賣弄也是雪居羅
漢後舉似鏡清有奸有惡清云若不是孫公便見觸
體遍野同道者方知本地茫茫愁殺人奴見婢慙慙
設使臨濟德山出來也須喫棒

保福長慶鏡清總承嗣雪峯他三人同得同證同見同
聞同拈同用一出入近相挨揆蓋爲他是同條生底
人舉着便知落處在雪峯會裏居常問答只是他三人
古人行住坐卧以此道爲念所以舉着便知落處一日

遊山次保福以手指云只這裏便是妙峯頂如今禪和
子恁麼問着便只口似匾擔賴值問着長慶你道保福
恁麼道箇什麼古人如此要驗他有眼無眼是他家
裏人自然知他落處便對他道是即是可惜許且道長
慶恁麼道意旨如何不可一向恁麼去也似則似罕有
等閑無一星事賴是長慶識破他雪竇着語云今日共
這漢遊山圖箇什麼且道落在什麼處復云百千年後
不道無只是少雪竇解點得正似黃葉道不道無淨尺
是無師雪竇恁麼道也不妨險峻若不是同聲相應爭
得如此孤危奇怪此謂之着語落在兩邊雖落在兩邊
却不住兩邊從舉似鏡清清云若不是孫公便見觸體

編野孫公乃長慶俗姓也不見僧問趙州如何是妙峯
孤頂州云老僧不答你這話僧云爲什麼不答這話州
云我若答你恐落在平地上教中說妙峯孤頂德雲
云從來不下山善財去參七日不逢一日却在別峯相
見及乎見了却與他說一念三出一切諸佛智慧光明
普見法明德雲既不下山因什麼却在別峯相見若道
他下山教中道德雲比丘從來不曾下山常在妙峯孤
頂到這裏德雲與善財的在那裏自後李長者打葛
藤打得好道妙峯孤頂是一味平等法門一皆具一
一皆全向無得無失無是非處獨露所以善財不見
到稱性處如眼不自見耳不自聞指不自觸如刀不自

割火不自燒水不自洗到這裏教中大有老婆和尚處
所以放一線道於第二義門立實立主立機境立問答
所以道諸佛不出世亦無有涅槃方便度眾生故現如
斯事且道畢竟作麼生免得鏡清雪竇恁麼道去當時
不能拍拍相應所以盡大地人觸體徧野鏡清恁麼證
將來那兩箇恁麼用將來雪竇後面頌出更顯煥頌云
妙峯孤頂草離離和身沒却脚下已深數丈也拈得
分明付與誰用作什麼大地没人知乾屎橛地作何
用拈得鼻孔失却口不是孫公辨端的錯看箭着賊
了也不知觸體着地幾人知更不再活如麻似栗闍
黎拈得鼻孔失却口

妙峯孤頂草離離草裏輒有什麼了期拈得分明付與誰什麼處是分明處須保福道只這裏便是妙峯頂不是孫公辨端的孫公見什麼道理便云是則是可惜許只如觸體着地幾人知汝等諸人還知麼瞎垂示云高高峯頂立魔外莫能知深深海底行佛眼覷不見直饒眼似流星機如掣電未免靈龜曳尾到這裏合作麼生說舉看

四舉劉鐵磨到馮山不妨難湊泊這老婆不守本分山云老特牛汝來也點探竿影草向什麼處見聲訛磨云來日臺山大會齋和尚還去麼箭不虛發太唐打鼓新羅舞放去太速收來太遲馮山放身卧中也你

向什麼處見馮山誰知遠煙浪別有好思量磨便出去過也見機而作

劉鐵磨尼也如擊石火似閃電光擬議則喪身失命禪道若到緊要處那裏有許多事他作家相見如隔牆見角便知是牛隔山見煙便知是火撥着便動捺着便轉馮山道老僧百年後向山下檀越家作一頭水牯牛左脇下書五字云馮山僧某甲且正當恁麼時喚作馮山僧即是喚作水牯牛即是如今人問着管取分疎不下劉鐵磨又參機鋒峭峻人號為劉鐵磨去馮山十里卓庵一日去訪馮山山見來便云老特牛汝來也磨云來日臺山大會齋和尚還去麼馮山放身便卧磨便出去

你看他一步說話相似且不是禪又不是道喚作無事
會得麼爲山去臺山自隔數千里劉鐵磨因什麼却
爲山去齋且道意旨如何這老婆會他爲山說話絲來
線去放下收互相酬唱如兩鏡相照無影像可觀機
機相副句句相投如今人三搭不迴頭這老婆一點也
瞞他不得這箇却不是世諦情見如明鏡當臺明珠在
掌胡來胡現漢來漢現是他知有向上事所以如此如
今只管做無事會四祖演和尚道莫將有事爲無事往
往事從無事生你若參得透去見他怎麼如尋常人說
話一般多被言語隔得所以不會唯是知音方會他底
只如吃茶小聚云舉一不得舉二放過一着落在第二

雲門出衆云昨日有一僧從天台來却往南岳去乾峯
云典座今日不得普請看他兩人放則雙放收則雙收
爲仰下謂之境致風塵草動悉究端倪亦謂之隔身句
意通而語隔到這裏須是左撥右轉方是作家
曾騎鐵馬入重城慣戰作家塞外將軍七事隨身勃
下軍聞六國清狗街放書囊中天子爭奈海晏河清
猶握金鞭問歸客是什麼消息一條拄杖兩人擔相
招同往又同來夜深誰共御街行君向瀟湘我向秦
且道行作什麼

雪竇頌諸方以爲極則一百頌中這一頌最具理路就
中極妙貼體分明頌出曾騎鐵馬入重城頌劉鐵磨

廢來初下傳聞六國清須爲山恁麼問猶握金鞭問歸
客須磨云來日臺山大會齊和尚還去麼夜深誰共御
街行須爲山放身便卧磨便出去雪竇有這般才調急
切處向急切處須緩緩處向緩緩處須風穴亦曾拈同
雪竇意此須諸方皆美之高高峰頂立魔外莫能知深
深海底行佛眼觀不見看他一箇放身卧一箇便出去
若更周遮一時求路不見雪竇須意最好是曾騎鐵馬
入重城若不是同得同證焉能恁麼且道得箇什麼意
不見僧問風穴爲山道老牛汝來也意旨如何穴云
白雲深處金龍躍僧云只如劉鐵磨道來日臺山大會
齊和尚還去麼意旨如何穴云碧波心裏玉兔驚僧云

爲山便作卧勢意旨如何穴云老倒踈慵無事日閑眠
高卧對青山此意亦與雪竇同也

垂示云機不離位隨在毒海語不驚羣陷於流俗忽若
擊石火裏別縑素閃電光中辨殺活可以坐斷十方壁
立千仞還知有恁麼時節麼試舉看

舉蓮花峯庵主拈拄杖示衆云看頂門上具一隻眼
也是時人窠窟古人到這裏爲什麼不肯住不可向
虛空裏釘鐵橛立化城衆無語千箇萬箇如麻似栗
却較此子可惜許一棚後體自代云爲他途路不得
乃若向途中辨猶爭半月程設使得力堪作什麼豈
可全無一箇復云畢竟如何千人萬人只向箇裏坐

却千人萬人中一箇兩箇會又自代云樹樵橫擔不
顧人直入千峯萬峯去也好與三十棒只爲他擔板
腦後見膽莫與往來

諸人還裁辨得蓮花峯庵主麼脚跟也未點地在國初
時在廬山蓮花峯皇庵古人既得道之後茅茨石室中
折脚鑊兒內煮野菜根喫過口且不求名利放曠隨緣
垂一轉語且要報佛祖恩傳佛心印纔見僧來便拈拄
杖云古人到這裏爲什麼不肯住前後二十餘年終無
一人答得只這一問也有權有實有照有用若也知他
圖續不消下担你且道因什麼二十年如此問既是宗
師所爲何故只字一擲若向箇裏見得自然不向情塵

上走凡二十年中有多少人與他平展下語呈見解做
盡伎倆設有箇道得也不到他極則處況此事雖不在
言句中非言句即不能辨不見道道本無言因言顯道
所以驗人端的處下口便知音古人垂一言半句亦無
他只要見你知有不知有他見人不曾所以自代云爲
他途路不得力看他道得自然契理契機幾曾失却宗
旨古人云承言須會宗分自立規矩如今只管撞將去
便了得則得爭奈顛頂儼侗若到作家漢將三要語印
空印泥印水驗他便見方木逗圓孔無下落處到這裏
計一箇同得同證臨時向什麼處求若是知有底人開
懷通箇消息有何不可若不遇人且卷而懷之且問你

諸人拄杖子是衲僧尋常用底因什麼却道不得
乃古人到此不肯住其實金屑雖貴落眼成翳
道和尚當時遭沙汰常以拄杖示衆云過去諸佛也
麼未來諸佛也怎麼現前諸佛也怎麼事畢一日僧堂
前拈拄杖示衆云這箇只爲中下根人時有僧出問云
忽遇上上人來時如何峯拈拄杖便去雲南云我即不
似事畢打破狼籍僧問未審和尚如何雲南便打大凡
參問也無許多事爲你外見有山河大地內見有見聞
覺知上見有諸佛可求下見有衆生可度直須一時
却然後十二時中行住坐卧打成一片雖在一毛頭上
寬若大千沙界雖居鑊湯爐炭中如在安樂國土雖居

七珍八寶中如在第落這高下這般事若是通方作者
到古人實處自然不費力他見無人搆得他底復自徵
云畢竟如何又奈何不得白云柳棟橫擔不顧人直入
千峯萬峯去這箇意又作麼生且道指什麼處爲地頭
不妨句中有眼言外有意自起自倒自放自收豈不見
嚴陽尊者路逢一僧拈起拄杖云是什麼僧云不識嚴
云一條拄杖也不識嚴復以拄杖地上剗一下云還識
麼僧云不識嚴云土窟子也不識嚴復以拄杖擔云曾
古人到這裏爲什麼不肯住雲南有頌云當機舉不
賺亦還希摧殘峭峻銷鏤玄微重關曾巨闢作者未同

歸王兔脰圓乍缺金鳥似飛不飛盧老不知何處去白
雲流水共依依因什麼山僧道腦後見腮莫與往來纔
作計較便是黑山鬼窟裏作活計若見得徹信得及千
人萬人自然羅籠不住奈何不得動着撥着自然有殺
有活雪竇會他意道直入千峯萬峯去方始成頌要知
落處看取雪竇頌云
眼裏塵沙耳裏土夢懂三百擔鶻鶻突突有什麼限
更有怎麼漢千峯萬峯不肯住你向什麼處去且道
是什麼消息落花流水太茫茫好箇消息閃電之機
從勞勞停思左顧千生右顧萬劫剔起眉毛何處去脚
跟下更贈下對眼元只在這裏還截得庵主脚跟

麼雖然如是也須是這田地始得打云為什麼只
在這裏

雪竇頌得甚好有轉身處不守一隅便道眼裏塵沙耳
裏土此一句頌蓮花峯庵主衲僧家到這裏上無攀仰
下絕已躬於一切時中如癡似元不見南泉道學道之
人如癡鈍者也難得禪月詩云常憶南泉好言語如斯
癡鈍者還希法燈云誰人知此意令我憶南泉南泉又
道亡亡白高僧盡是會佛法底人唯有盧行者不會佛法
只會道所以得他衣鉢且道佛法與道相去多少雪竇
拈云眼裏看沙不得耳裏看水不得或苦有箇漢信得
及把得住不受人瞞祖說教是什麼熱碗鳴聲便請

高掛鉢囊拗折拄杖管取一負無事道人又云眼裏着
得須彌山耳裏着得大海水有一般漢受人商量却佛
言教如龍得水似虎靠山却顛挑起鉢囊橫擔拄杖亦
是一負無事道人復云恁麼也得不恁麼也得然後沒
交涉三負無事道人中要選一人爲師正是這般生鐵
鑄就底漢何故或遇惡境界或遇奇特境界到他面前
悉皆如夢相似不知有六根亦不知有且暮直饒到這
般田地切忌守寒灰死火打入黑漫漫處去也須是有
轉身一路始得不見古人道莫守寒巖裏草青坐却白
雲宗不妙所以蓮花峯庵主道爲他途路不得力直須
是千峯萬峯去始得且道喚什麼作千峯萬峯雪竇只

受他道柳樛橫擔不顧人直入千峯萬峯去所以頌出
且道向什麼處去還有知得去處者麼落花流水不流
在落花紛紛流水茫茫閃電之機眼前是什麼剔起眉
毛何處去雪竇爲什麼也不知他去處只如山僧道適
來舉拂子且道即今在什麼處你諸人若見得與蓮花
峯庵主同參其或未然三條椽下七尺單前試去參詳
看

許舉僧問百丈如何是奇特事言中有響自裏呈機驚
殺人有眼不曾見丈云獨坐太雄峯凜凜威風四百
州坐者立者二俱敗缺僧禮拜伶俐衲僧也有恁麼
人要見恁麼事丈便打作家宗師何故來言不禮令

不虛行

臨機具眼不顧危亡所以道不入虎穴爭得虎子百丈尋常如虎捕兔相似這僧也不避死生敢將虎鬚便問如何是奇特事這僧也具眼百丈便與他擔荷云獨坐大雄峯其僧便禮拜衲僧家須是別未問已前意始得這僧禮拜與尋常不同也須是具眼始得莫教平生心膽向人傾相識還如不相識只這僧問如何是奇特事百丈云獨坐大雄峯僧禮拜丈便打看他放去則一時俱是收來則掃蹤滅跡且道他便禮拜意旨如何若道是好因甚百丈便打他作什麼若道是不好他禮拜有什麼不得處到這裏須是識休咎別細素立尚千峯頂

上始得這僧便禮拜似探虎鬚相似只爭轉身處賴值百丈頂門有眼肘後有符照破四天下深辨來風所以便打若是別人無奈他何這僧以機投機以意遣意也所以禮拜如南泉云文殊普賢昨夜三更起佛見法見各與二十棒貶向二鐵圍山去也時趙州出衆云和尚棒教誰喫東云王老師有什麼過州禮拜宗師家等閑不見他受用處纔到當機拈弄處自然活鱗鱗地五祖先師常說如馬前相撲相似你但常教見聞聲色下時坐斷把得定作得主始見他百丈且道放過時作麼生看取雲竇頌出云

祖域交馳天馬駒五百年一閭生千人萬人中有一

箇半箇子承父業化門舒卷不同途已在言前渠
得自由還他作家手段電光石火存機變劈面來也
左轉右轉還見百丈爲人處也無堪笑人來捋虎鬚
好與三十棒重賞之下必有勇夫不免喪身失命故
過關黎丁着

雪竇見得透方乃領出天馬駒日行千里橫行豎是奔
驟如飛方名天馬駒雪竇領百丈於祖域之中東走向
西西走向東丁來丁往七蹤八橫殊無少礙如天馬駒
相似善能交馳方見自由處這箇自是得他馬祖大機
太用不見僧問馬祖如何是佛法大意祖便打云我若
不打你天下人笑我去在又問如何是祖師西來意祖

云近前來向你道僧近前祖劈耳便掌云六耳不同調
看他恁麼得大自在於建化門中或卷或舒有時舒不
在卷處有時卷不在舒處有時卷舒俱不在所以道同
塗不同轍此頌百丈有這般手脚雪竇道電光石火存
機變這僧如擊石火似閃電光只在此手機變處嚴
頭道知物爲上逐物爲下若論戰也箇箇立在轉處雪
竇道機輪曾未轉轉必兩頭走若轉不得有什麼用處
大丈夫漢也須是識此子機變始得如今人只管供他
款被他穿却鼻孔有什麼了期這僧於電光石火中能
存機變便禮拜雪竇道堪笑人來捋虎鬚百丈似一箇
太蟲相似堪笑這僧去捋虎鬚

瞎

垂示云問一答十舉一明三見兔放鷹因風吹火不惜

眉毛則且置只如入虎穴時如何試舉看

舉僧問雲門樹凋葉落時如何是什麼時節家破人亡人亡家破雲門云體露金風撐天拄地斬釘截鐵

淨裸裸赤洒洒平步青霄

若向箇裏薦得始見雲門為人處其或未然依舊只是指鹿爲馬眼轉耳聾誰人到這境界且道雲門爲復是答他話爲復是與他酬唱若道答他話錯認定盤星若道與他唱和且得沒交涉既不恁麼畢竟作麼生你若見得透衲僧鼻孔不消一捏其或未然依舊打入鬼窟裏去大凡扶堅宗乘也須是全身擔荷不惜眉毛向虎

口橫身任他橫拖倒拽若不如如此爭能爲得這僧致箇問端也不妨嶮峻若以尋常事看他只似箇閑事底僧若據衲僧門下去命脉裏覷時不妨有妙處且道樹凋葉落是什麼人境界十八問中此謂之辨主問亦謂之借事問雲門不移易一絲毫只向他道體露金風答得甚妙亦不敢辜負他問頭蓋爲他問處有眼處處亦端的古人道欲得親切莫將問來問若是知音底舉着便知落處你若向雲門語脉裏討便錯了也只是雲門句中多愛惹人情解若作情解會未免喪我兒孫雲門愛恁麼騎賊馬趁賊不見僧問如何是非思量處門云識情難測這僧問樹凋葉落時如何門云體露金風

句中不妨把斷要津不通凡聖須會他舉一明三舉三
明一你若去他三句中求則腦後拔箭他一句中須具
三句函蓋乾坤句隨波逐浪句截斷衆流句自然恰好
雲門三句中且道用那句接人試辨看頌曰
問既有宗深辨來風箭不虛發答亦收空豈有兩般
如鐘待扣功不滲施三句可辨上中下如今是第幾
句須是向三句外薦取始得一鏃遼空中過也掣着
磕着箭過新羅大野兮涼颯颯普天匝地還覺骨
毛卓豎麼放行去也長天兮疎雨濛濛風浩浩水漫
漫頭上漫漫脚下漫漫君不見少林久坐未歸客更
有不唧唧漢帶累殺人黃河頭上瀉將過來靜依熊

耳一叢叢開眼也着令眼也着鬼窟裏作活計眼瞞
耳聾誰到這境界不免打拆你版齒

古人道承言須會宗勿自立規矩古人言不虛設所以
道大凡問箇事也須識此子好惡若不識尊卑去就不
識淨觸信口亂道有什麼利濟凡出言吐氣須是如錘
如鈎有鈎有鏃須是相續不斷始得這僧問處有宗旨
雲門答處亦然雲門尋常以三句接人此是極則也雪
竇頌這公案與頌天龍公案相類三句可辨一句中具
三句若辨得則透出三句外一鏃遼空鏃乃箭鏃也射
得太遠須是急着眼看始得若也見得分明可以一句
之下開展大千沙界到此領了雪竇有餘才所以展開

須出道大野兮涼颼颼長天兮踈雨濛濛且道是心
是境是玄是妙古人道法法不隱藏古今常顯露他問
樹凋葉落時如何雲門道體露金風雪竇意只作一境
如今眼前風拂拂地不是東南風便是西北風直須便
恁麼會始得你若更作禪道會便沒交涉君不見少林
久坐未歸客連磨未歸西天時九年面壁靜悄悄地且
道是樹凋葉落且道是體露金風若向這裏盡古今凡
聖乾坤大地打成一片方見雲雨雪竇的為人處靜
依能耳下叢叢能耳即西京嵩山少林也前山也千叢
萬叢後山也千叢萬叢諸人向什麼處見還見雪竇爲
人處麼也是靈龜曳尾

八
舉南泉參百丈涅槃和尚文問從上諸聖還有不爲
又說底法麼和尚念知壁立萬仞還覺齒落麼泉云
有落草了也孟八郎作什麼便有恁麼事文云作麼
生是不爲又說底法看他作麼生看他手位脚位將
錯就錯但試問看泉云不是心不是佛不是物果然
納敗闕果然漏逗不少文云說了也莫與他說破從
他錯下平生不與他恁麼道泉云某甲只恁麼和
尚作麼生賴有轉身處與長即長與短即短理長則
就丈云我又不是大善知識爭知有說不說看他手
位脚位藏身露影去死十分爛泥裏有刺恁麼那賺
我泉云某甲不會作可恁麼賴值不會會即打你頭

破賴值這漢只恁麼丈云我大煞爲你說了也雪上加霜龍頭蛇尾作什麼

南泉見百丈

到這裏也不消即心不即心不消非心不非心直下從頂至足眉毛一莖也無猶較些子即心非心壽禪師謂之表詮遮詮此是涅槃和尚惟政禪師也昔時在百丈作西堂開田說大義者是時南泉已見馬祖了只是往諸方決擇百丈致此一問也大難酬云從上諸聖還有不爲又說底法麼若是山僧掩耳而出看這老漢一場懡羅若是作家見他恁麼問便識破得他南泉只據他所見便道有也是孟八郎百丈便將錯就錯隨後道作麼生是不爲又說底法泉云不是心不是佛不是物這

法正

漢會觀天上月失却掌中珠丈云說了也可惜許與他津破當時但劈春便棒教他知痛痒雖然如是你且道什麼處是說處據南泉見處不是心不是佛不是物不曾說着且問你諸人因什麼却道說了也他語下又無蹤迹若道他不說百丈爲什麼却恁麼道南泉是變通底人便隨後一拶云某甲只恁麼和尚又作麼生若是別人未免分踈不下爭柰百丈是作家處不妨奇特便道我又不是大善知識爭知有說不說南泉便道箇不會是渠果會來道不會莫是真箇不會百丈云我太煞爲你說了也且道什麼處是說處若是弄泥團漢時兩箇漏漚漚若是二俱作家時如明鏡當臺其實前

頭二俱作家後頭二俱放過若是具眼漢分明驗取且道作麼生驗他看靈寶須出云
祖佛從來不爲人各自守疆界有條攀條記得箇元字脚在心上入地獄如前衲僧今古競頭走路破草鞋拗折拄杖高掛鉢囊明鏡當臺列像殊墮也破也打破鏡來與你相見一一面南看北斗還見老僧騎佛殿出山門麼新羅國裏曾上堂大唐國裏未打鼓斗柄垂落處也不知在什麼處無處計瞎可惜許椀子落地椀子成七八片拈得鼻孔失却口那裏得這消息來果然恁麼便打

釋迦老子出世四十九年未曾說一字始從光耀土終

至跋提河於是二中間未曾說一字恁麼道且道是說是不說如今蒲龍宮盪海藏且作麼生是不說豈不見修山主道諸佛不出世四十九年說達磨不西來少林有妙訣又道諸佛不曾出世亦無一法與人但能觀衆生心隨機應病與藥施方遂有三乘十二分教其實祖佛自古至今不曾爲人說只這不爲人正好參詳山僧常說若是添一句甜言蜜語地好好觀來正是毒藥若是劈脊便棒驀口便擲推將出去方始親切爲人衲僧今古競頭走到處是也問不是也問問佛問祖問向上問向下雖然如此若未到這田地也少不得如明鏡當臺列像殊只消一句可辨明白古人道萬象及森羅一法

之所印又道森羅及萬象總在箇中圓神秀大師云身
是菩提樹心如明鏡臺時時勤拂拭勿使惹塵埃太滿
云他只在門外雪竇恁麼道且道在門內在門外你等
諸人各有一面古鏡森羅萬象長短方圓一一於中顯
現你若去長短處會卒摸索不着所以雪竇道明鏡當
臺列像殊却須是一面南看北斗既是面南爲什麼
却看北斗若恁麼會得方見百丈南泉相見處此兩句
須百丈挨拶處丈云我又不是大善知識爭知有說不
說雪竇到此須得落在死水裏恐人錯會却自提起云
即今目前斗柄垂你更去什麼處討你纔拈得鼻孔去
却只拈得口去却鼻孔了也

垂示云魚行水濁鳥飛毛落明辨主賓洞分緇素直似
當臺明鏡掌內明珠漢現胡來聲聲色顯王道爲什麼
如此試舉看

九舉僧問大隋劫火洞然大千俱壞未審這箇壞不壞
這箇是什麼物這一句天下衲僧摸索不着預搔待
痒隋云壞無孔鐵鎚當面擲沒却鼻孔未開口已前
勘破了也僧云恁麼則隨他去也沒量太人語脉裏
轉却果然錯認隋云隨他去前箭猶輕後箭深只這
箇多少人摸索不着水長船高泥多佛大若道隨他
去在什麼處若道不隨他去又作麼生便打
大隋真如和尚承嗣太安禪師乃東川鹽亭縣人參見

六十餘員善知識昔時在瀉山會裏作火頭一日為山
問云子在此數年亦不解致箇問來看如何隋云吟集
甲問箇什麼即得瀉山云子便不會問如何是佛隋以
手掩瀉山口山云汝已後覓箇掃地人也無後歸川先
於珊口山路次煎茶接待往來凡三年後方出世開山
住大隋有僧問劫火洞然大千俱壞未審這箇壞不壞
這僧只據教意來問教中云成住壞空三災劫起壞至
三禪天這僧元來不知話頭落處且道這箇是什麼人
多作情解道這箇是衆生本性隋云壞僧云恁麼則隨
他去也隋云隨他去只這箇多少人情解摸索不著若
道隨他去在什麼處若道不隨他去又作麼生不見道

欲得親切莫將問來問後有僧問修山主劫火洞然大
千俱壞未審這箇壞不壞山主云不壞僧云為什麼不
壞主云為同於大千壞也碍塞殺人不得塞殺人
其僧既不會大隋說話是他也不妨以此事為念却持
此問直往舒州投子山投子問近離甚處僧云西蜀不
隋投云大隋有何言句僧遂舉前話投子焚香禮拜云
西蜀有古佛出世汝且速回其僧復回至大隋隋已遷
化這僧一場懺懺後有唐僧景遵題大隋云了然無別
法誰道印南能一句隨他語千山走衲僧寒鳴砌葉
鬼夜禮龕燈吟罷孤窓外徘徊恨不勝所以雪竇後苗
引此兩句頌出如今也不得作壞會也不得作不壞會

畢竟作麼生會急着眼看

劫火光中立問端道什麼已是錯了也衲僧猶帶兩重關半斷此人如何救得百匝千重也有脚頭脚底可憐一句隨他語天下衲僧作這般計較千句萬句也不消得有什麼難哉斷他脚跟處萬里區區獨往還業識茫茫畢竟過也不知自是他踏破草鞋

雪竇當機頌出句裏有出身處劫火光中立問端衲僧猶帶兩重關這僧問處先懷壞與不壞是兩重關若是得底人道壞也有出身處道不壞也有出身處可憐一句隨他語萬里區區獨往還頌這僧持此問投子又復回大隋可謂萬里區區也

三舉僧問趙州承聞和尚親見南泉是否千聞不如一

見揚眉分八字州云鎮州出大蘿蔔頭撐天拄地斬釘截鐵箭過新羅腦後見腮莫與往來

這僧也是箇久參底問中不妨有眼爭奈趙州是作家便答他道鎮州出大蘿蔔頭可謂無味之談塞斷人口這老漢大似箇白拈賊相似你纔開口便換却你眼睛若是特達英靈底漢直下向擊石火裏閃電光中纔聞舉着脚起便行若或停思停機不免喪身失命江西澄散聖判謂之東問西答喚作不答話不上他圈續若恁麼麼會爭得遠錄公云此是傍瞥語收在九帶中若恁麼會夢也未夢見在更帶累趙州去有者道鎮州從來出

大蘿蔔頭天下人皆知趙州從來參見南泉天下人皆知這僧却更問道承聞和尚親見南泉是否所以州向他道鎮州出大蘿蔔頭且得沒交涉都不恁麼會畢竟作麼生會他家自有通霄路不見僧問九峯承聞和尚親見延壽來是否峯云山前麥熟也未正對得趙州答此僧話渾似兩箇無孔鐵鎚趙州老漢是箇無事底人你輕輕問着便換却你眼睛若是知有底人細嚼來喫若是不知有底人一似渾崙吞箇棗

鎮州出大蘿蔔天下人知切忌道着一回舉着一回新天下衲僧取則爭奈不恁麼誰用這閑言長語只知自古自今半開半合如麻似粟自古也不恁麼如

今也不恁麼爭辨鵠白鳥黑金機類脫長者自長短者自短識得者貴也不消得辨賊賊咄更不是別自是擔枷過狀衲僧鼻孔曾拈得穿過了也裂轉

鎮州出大蘿蔔你若取他為極則早是錯了也古人把手上高山未免傍觀者西人皆知道這箇是極則語却畢竟不知極則處所以雪竇道天下衲僧取則只知自古自今爭辨鵠白鳥黑雖知今人也恁麼答古人也恁麼答何曾分得細素來雪竇道也須是去他石火電光中辨其鵠白鳥黑始得公案到此須了也雪竇自出意向活潑潑處更向你道賊賊衲僧鼻孔曾拈得三世諸佛也是賊歷代祖師也是賊善能作賊換人眼睛不犯

手脚獨許趙州且道什麼處是趙州善做賊處鎮州出
大蘿當頭

佛果園悟禪師碧巖錄卷第三

佛果園悟禪師碧巖錄卷第四

垂示云動則影現覺則冰生其或不動不覺不免入野
狐窟裏透得徹信得及無絲毫障翳如龍得水似虎靠
山放行也弄礫生光把定也真金失色古人公安案未免
周遮且道評論什麼邊事試舉看

舉麻谷持錫到章敬遶禪床三匝振錫一下卓然而
立曹溪樣子一摸脫出直得驚天動地敬云是是泥
裏洗土塊賺殺一船人是什麼語話繫驢驘子雪竇
着語云錯放過則不可猶較一着在麻谷又到南泉
遶禪床三匝振錫一下卓然而立依前泥裏洗土塊
再遶前來鰍跳不出斗泉云是不是是不是何不承當殺

人不暇眼是什麼語話雪竇着語云錯放過不可麻
谷當時云章敬道是和尚為什麼道不是主人公在
什麼處這漢元來取人舌頭漏過了也泉云章敬即
是汝不是也好殺不須見血爲人須爲徹瞞却多
少人來此是風力所轉終成敗壞果然被他籠罩爭
奈自己何

古人行脚徧歷叢林直以此事爲念要辨他曲錄木床
上老和尚具眼不具眼古人一言相契即住一言不契
即去看他麻谷到章敬遶禪床三匝振錫一下卓然而
立章敬云是是殺人力活人劍須是本分作家雪竇云
錯落在兩邊你若去兩邊會不見雪竇意作卓然而立

且道爲什麼事雪竇爲什麼却道錯什麼處是他錯處
章敬道是什麼處是是處雪竇如坐讀判語麻谷擔箇
是字便去見南泉依然遶禪床三匝振錫一下卓然而
立泉云不是不是殺人刀活人劍須是本分宗師雪竇
云錯章敬道是是南泉云不是不是爲復是同是別前
頭道是爲什麼也錯後頭道不是爲什麼也錯若向章
敬句下薦得自救也不了若向南泉句下薦得可與祖
佛爲師雖然恁麼衲僧家須是自肯始得莫一向取人
口辯他問既一般爲什麼一箇道是一箇道不是若是
通方作者得大解脫底又必須別有生涯若是機境不
忘底決定滯在這兩頭若要明辨古今坐斷天下人舌

頭須是明取這兩錯始得及至後頭靈寶頌也只須這
兩錯靈寶要提活鱖鱖處所以如此若是皮下有血底
漢自然不向言句中作解會不向繫驢橛上作道理有
者道靈寶代麻谷下這兩錯有什麼交涉殊不知古人
着語鎖鑰要關這邊也是那邊也是畢竟不在這兩頭
慶藏主道持錫遶禪床如是不是俱錯其實亦不在此
你不見永嘉到曹溪見六祖遶禪床三匝振錫一下卓
然而立祖云夫沙門者具三千威儀八萬細行大德從
何方而來生大我慢為什麼六祖却道他生大我慢此
箇也不說是也不說不是是與不是都是擊驢橛唯有
靈寶下兩錯猶較些子麻谷云章敬道是和尚為什麼

道不是這老漢不惜眉毛漏逗不少南泉道章敬則是
是汝不是南泉可謂見兔放鷹慶藏主云南泉武然郎
當不是便休更與佗出過道此是風力所轉終成敗壞
圓覺經云我今此身四大和合所謂髮毛爪齒皮肉筋
骨髓腦垢皆歸於地唾涕膿血皆歸於水暖氣歸火
動轉歸風四大各離合者妄身當在何處佗麻谷持錫
遶禪床既是風力所轉終成敗壞且道畢竟發明心宗
底事在什麼處到這裏也須是生鐵鑄就底箇漢始得
豈不見張拙秀才參西堂藏禪師問云山河大地是有
是無三祖諸佛是有是無藏云有張拙秀才云錯藏云
先輩曾參見什麼人來拙云參見徑山和尚來某甲凡

有所問話徑山皆言無藏云先輩有什眷屬拙云有一
山妻兩箇癡頑又却問徑山有甚眷屬拙云徑山古佛
和尚莫謗渠好藏云待先輩得似徑山時一切言無張
拙繞道而已大凡作家宗師要與人解粘去縛抽釘拔
楔不可只守一邊左撥右轉右撥左轉但看仰山到中
邑處謝戒邑見來於禪床上拍手云和尚仰山即東邊
立又西邊立又於中心立然後謝戒了却退後立邑云
什麼處得此三昧來仰山云於曹溪印子上脫將來邑
云汝道曹溪用此三昧接什麼人仰云接一宿覺仰山
又復問中邑云和尚什麼處得此三昧來邑云我於馬
祖處得此三昧來似恁麼說話豈不是舉三明三見本

逐末底漢龍牙示衆道夫參學人須透過祖佛始得新
豐和尚道見祖佛言教如生冤家始有參學分若透不
得即被祖佛瞞去時有僧問祖佛還有瞞人之心也無
牙云汝道江湖還有瞞人之心也無又云江湖雖無瞞
人之心自是時人過不得所以江湖却成瞞人去不得
道江湖不瞞人祖佛雖無瞞人之心自是時人透不得
祖佛却成瞞人去也不得道祖佛不瞞人若透得祖佛
過此人即過却祖佛也須是體得祖佛意方與向上古
人同如未透得儻學佛學祖則萬劫無有得期又問如
何得不被祖佛瞞去牙云直須自悟去到這裏須是如
此始得何故爲人須爲撒殺人須見血南泉雪竇是這

般人方敢拈弄頌云

此錯彼錯惜取眉毛攬令而行天上天下唯我獨尊
切忌拈却兩箇無孔鐵鎚直饒千手大悲也提不起
或若拈去闍黎喫三十棒四海浪平天下久不敢動
着東西南北一等家風近日多雨水百川潮落淨裸
裸赤洒洒且得自家安穩直得海晏河清古樂風高
十二門何似這箇杖頭無眼切忌向拄杖頭上作活
計明明有路空蕭索一物也無賺你平生翻着即瞎
非蕭索果然賴有轉身處已瞎了也便打作者好求
無病藥一死更不再活十二時中爲什麼瞌睡撥人
摸地作什麼

這箇頌似德山見滌山公案相似先將公案着兩轉
語穿作一串然後頌出此錯彼錯切忌拈却靈寶竟
此處一錯彼處一錯切忌拈却即須是如此着
這兩錯直得四海浪平百川潮落可煞清風明月你若
向這兩錯下會得更沒一星事山是山水是水長者自
長短者自短五白一風十日一雨所以道四海浪平百
川潮落後箇頌麻谷持錫云古策風高十二門古人以
鞭爲策衲僧家以拄杖爲策祖庭事苑中古西王母瑤
池上有十二朱門古策即是拄杖頭上清風高於十二
朱門天子及帝釋所居之處亦各有十二朱門若是會
得這兩錯拄杖頭上生光古策也用不着古人道識得

掛杖子一生參學事畢又道不是標形虛事號如來寶
杖親蹤此之類也到這裏七顛八倒於一切時中得
大自在門門有路空蕭索雖有路只是空蕭索靈寶到
此自覺漏逗更與你打破然雖如是也有非蕭索處任
是作者無病時也須是先討些藥契始得
垂示云十方坐斷千眼頓開一句截流萬機寢削還有
同死同生底麼見成公案打疊不下古人葛藤試請舉
看

三舉定上座問臨濟如何是佛法大意多少人到此茫
然猶有這箇在語即當作什麼濟下禪床擒住與
掌便托開今日抵敗老婆心切天下衲僧跳不出定

佇立已落鬼窟裏蹉過了也未免失却鼻孔傍僧云
定上座何不禮拜冷地裏有人觀破全得他力直
人死西家人助哀定方禮拜將勤補拙忽然大悟如
暗得燈如貧得寶將錯就錯且道定上座見箇什麼
便禮拜

看他恁麼直出直入直往直來乃是臨濟正宗有恁麼
作用若透得去便可翻天作地自得受用定上座是這
般漢被臨濟一掌禮拜起來便知落處他是向北人最
朴直既得之後更不出世後來全用臨濟機也不妨類
脫一日路逢巖頭靈峯欽山三人巖頭乃問甚處來定
云臨濟頭云和尚萬福定云已順世了也頭云其等三

人持去禮拜福緣淺薄又值歸寂未審和尚在白有何
言古清上座舉一兩則看定遂舉臨濟一日示眾云赤
肉團上有一無位真人常從汝諸人面門出入未證據
者看看時有僧出問如何は無位真人濟便擒住云道
道僧擬議濟便托開云無位真人是什麼乾屎橛便歸
方丈巖頭不覺吐舌欽山云何不道非無位真人被定
擒住云無位真人與非無位真人相去多少速道速道
山無語直得面黃面青巖頭雪峯近前禮拜云這新戒
不識好惡觸忤上座望慈悲且放過定云若不是這兩
箇老漢捉殺這衲床鬼子又在鎮州齋回到橋上歇
三人座主一人問如何是禪河深處須窮底定擒住擬

拋向橋下時二座主連忙救云休休是伊觸忤上座且
望慈悲定云若不是二座主從他窮到底去看他恁
手段全是臨濟作用更看靈寶頌出云

斷際全機繼後蹤黃河從源頭濁了也子承父業持
來何必在從容在什麼處爭奈有如此人無脚手人
還得他也無巨靈擡手無多子嚇殺人少賣弄打十
拂子更不再勘分破華山千萬重乾坤大地一時露
出隨也

靈寶頌斷際全機繼後蹤持來何必在從容黃檗大機
太用唯臨濟獨繼其蹤拈得將來不容擬議或若躊躇
便落陰界楞嚴經云如我按指海印發光汝暫舉心塵

吳先起巨靈擡手無多子分破華山千萬重巨靈神有
大神力以手壁開大華放水流入黃河定上座疑情如
山堆岳積被臨濟下掌直得瓦解冰消
垂示云東西不辨南北不分從朝至暮從暮至朝還道
伊瞌睡麼有時眼似流星還道伊惺惺麼有時呼南作
北且道是有心是無心是道人是常人若向箇裏透得
始知落處方知古人恁麼不恁麼且道是什麼時節試
舉看

三舉陳操尚書看資福福見來便畫一圓相是精識精
是賊識賊若不識識這漢還見金剛圈麼操云
弟子恁麼來早是不着便何況更畫一圓相今日撞

着箇瞌睡漢這老賊福便掩却方丈門賊不打貧兒
家已入它圈續了也雪竇云陳操只具一隻眼雪竇
頂門具眼且道他意在什麼處也好與一圓相妙然
龍頭蛇尾當時好與一授教伊進亦無門退亦無路
且道更與他什麼一授

陳操尚書與裴休李翱同時凡見一僧來先請齊觀
三百須是勘辨一日雲門到相看便問儒書中即不問
三乘十二分教自有座主作麼生是衲僧家行脚事雲
門云尚書曾問幾人來操云即今問上座門云即今且
置作麼生是教意操云黃卷赤軸門云這箇是文字語
言作麼生是教意操云口欲談而辭喪心欲緣而慮亡

門云口欲談而辭喪爲對有言心欲緣而慮云爲對妄
想作麼生是教意操無語門云見說尚書看法華經是
否操云是門云經中道一切治生產業皆與實相不相
違背且道非非想夫即今有幾人退位操又無語門云
尚書且莫草草師僧家地却三經五論來入叢林十年
二十年尚且不奈何尚書又爭得會操禮拜云某甲罪
過又一日與衆官登樓次望見數僧來一官人云來者
總是禪僧操云不是官云焉知不是操云待近來與你
勘過僧至樓前操慕召云上座僧舉頭書謂衆官云不
信道唯有雲門一人他勘不得他參見睦州來一日去
參資福福見來便畫一圓相資福乃瀉山仰山卡尊宿

尋常愛以境致接人見陳操尚書便畫一圓相爭奈操
却是作家不受人瞞解自點檢云弟子恁麼來早是不
着便那堪更畫一圓相福掩却門這般公案謂之言中
辨的句裏藏機雪竇道陳操只具一隻眼雪竇可謂頂
門具眼且道意在什麼處也好與一圓相若總恁麼地
衲僧家如何爲人我且問你當時若是諸人作陳操時
堪下得箇什麼語免得雪竇道他只具一隻眼所以雪
竇踏翻頌云

團團珠連玉珊珊三九杖子攪黃河須是碧眼胡僧
始得生錢鑄就馬載驢駝上鐵船用許多作什麼有
什麼限且與閣黎着分付海山無事客有人不要若

是無事客也。不消得須是無事始得。釣鼈時下一圈
攪。恁麼來。恁麼去。一時出不得。若是蝦蟇。堪作什麼
蝦蟇。螺蚌。恁麼生。奈何。須是釣鼈始得。雪竇復云。天下
衲僧。跳不出。兼身在內。一坑埋却。關黎還跳得出麼。
團團珠連。玉珊珊。馬載驢馳上。鐵船空竇當頭。須出只
須箇圓相。若會得去。如虎戴角。相似這箇。此字須是桶
底脫。機關盡得失。是非一時放却。更不要作道理會也。
不得作玄妙會。畢竟作麼生會。這箇須是馬載驢馳上。
鐵船這裏看。始得別處。則不可分付。須是將去分付。海
山無事底。客你若肚裏有些子事。即承當不得。這裏須
是有事無事。連情順境。若佛若祖。奈何。他不得底人。方

澄江漫

可承當。若有禪。可參有。凡聖情量決定承當。他底不得
承當得了。作麼生會。他道釣鼈時下一圈。攪釣鼈須是
圈。纔始得。所以風穴云。慣釣鯨鯢。沉巨浸。却笑蛙步碾
泥沙。又云。巨鼈莫載三山去。吾欲蓬萊頂上行。雪竇復
云。天下衲僧。跳不出。若是巨鼈。終不作衲僧見解。若是
衲僧。終不作巨鼈見解。
三舉仰山問僧。近離甚處。天下人一般也。要問過。因風
吹火。不可不。作常程。僧云。廬山實頭人。難得。山云。曾
遊五老峯麼。因行不妨擲臂。何曾蹉過。僧云。不曾到。
移一足面。赤不知語。直也。似忘前失。後山云。關黎不
曾遊山。太多事。生惜取眉毛好。這老漢着甚死急。雲

三三三

明云此語皆為慈悲之故有落草之談殺人力活人
劍兩箇三箇更知山上路須是去來人

驗人端的處下口便知音古人道沒量大人向語脉裏
轉却若是頂門具眼舉着便知落處看他一問一答歷
歷分明雲門為什麼却道此語皆為慈悲之故有落草
之談古人到這裏如明鏡當臺明珠在掌胡來胡現漢
來漢現一箇蠅子也過他鑑不得且道作麼生是慈悲
之故有落草之談也不妨險峻到這田地也須是箇漢
始可提撥雲門拈云這僧親從廬山來因什麼却道闍
黎不曾遊山瀉山一日問仰山云諸方若有僧來汝將
什麼驗他仰山云某甲有驗處瀉山云子試舉看仰云

某甲尋常見僧來只舉拂子向伊道諸方還有這箇麼
待伊有語只向伊道這箇即且置那箇如何瀉山云此
是向上人牙爪豈不見馬祖問百丈什麼處來丈云山
下來祖云路上還逢着一人麼丈云不曾祖云為什麼
不曾逢着丈云若逢着即舉似和尚祖云那裏得這消
息來丈云某甲罪過祖云却是老僧罪過仰山問僧正
相類此當時待他道曾到五老峯麼這僧若是箇漢但
云禍事却道不曾到這僧既不作家仰山何不據令而
行免見後面許多局藤却云闍黎不曾遊山所以雲門
道此語皆為慈悲之故有落草之談若是出草之談則
不恁麼

野
切

出草入草頭上漫漫脚下漫漫半開半合他也怎麼
我也怎麼誰解尋討頂門具一隻眼關黎不解尋討
白雲重重千重百匝頭上安頭紅日杲杲破也瞎舉
眼即錯左顧無瑕瞎漢依前無事你作許多伎倆作
什麼右盼已老一念萬年過君不見寒山子癩兒牽
伴行太早也不早十年歸不得即今在什麼處為然
忘却來時道渠儂得自由放過一着便打莫做這忘
前失後好

出草入草誰解尋討雪竇却知他落處到這裏一手擡
一手擡白雲重重紅日杲杲大似草茸茸煙霧裏到這
裏無一絲毫屬凡無一絲毫屬聖徧界不曾藏一蓋

覆不得所謂無心境寒不聞寒熱不聞熱都盧是箇
大解脫門左顧無瑕右盼已老懶瓚和尚隱居衡山石
室中唐肅宗聞其名遣使召之使者至其室宣旨太子
有詔尊者當起謝恩瓚方撥牛糞火尋煨芋而食寒涕
垂頤未嘗答使者笑曰且勸尊者拭涕瓚曰我豈有干
夫為俗人拭涕耶竟不起使回奏肅宗其欽嘆之似這
般清寒寥白的的不受人處分直是把得定如牛鐵鑄
就相似只如善道和尚遭沙汰後更不復作僧人呼為
石室行者每踏碓心移步僧問臨濟石室行者忘移步
意旨如何濟云沒殺深坑法眼圓成實性頌云理極忘
情謂如何有喻齊到頭霜夜月任運落前溪菓熟兼採

德 德

重山長似路迷舉頭殘照在元是佳居西雪竇道君不
見寒山子行太早十年歸不得忘却來時道寒山子詩
云欲得安身處寒山可長保微風吹幽松近聽鶯愈好
下有班白人嘖嘖讀黃老十年歸不得忘却來時道求
嘉又道心是根法是塵兩種猶如鏡上痕痕垢盡時光
始現心法雙忘性即真到這裏如疑似元方見此公案
若不到這田地只在語言中走有甚了日
垂示云定龍蛇分王石別端素決猶豫若不是頂門上
有眼時時卡有符往往當頭踏過只如今見聞不昧聲
色純真且道是真是白是曲是直到這裏作麼生辨
舉文殊問無着近離什麼處不可不借問也有這箇

消息無着云南方草窠裏出頭何必搭向眉毛上大
方無為爲什麼却有南方殊云南方佛法如何住持
若問別人則猶生猶掛唇齒在着云末法比丘少奉
戒律實頭人難得殊云多少衆當時便與一喝下撥
撥倒也着云或三百或五百盡是野狐精果然滿
近無着問文殊此間如何住持撐着便回轉鎗頭來
也殊云凡聖同居龍蛇混雜敗缺不少直得脚忙手
亂着云多少衆還我話頭來也不得放過殊云前三
三後三三顛言倒語且道是多少千手大悲數不足
無着遊五臺至中路荒僻處文殊化一寺接他宿緣問
近離甚麼着云南方殊云南方佛法如何住持着云末

法比丘少奉戒律殊云多少衆着云或三百或五百無
着却問文殊此間如何住持殊云凡聖同居龍蛇混雜
着云多少衆殊云前三三後三三却喫茶文殊舉起玻
璃盞子云南方還有這箇麼着云無殊云尋常將什麼
喫茶着無語遂變去文殊令均提童子送出門首無着
問童子云適來道前三三後三三是多少童子云大德
着應喏子云是多少又問此是何寺童子指金剛後直
着回首化寺童子悉隱不見只是空谷彼處後來謂之
金剛窟後有僧問風穴如何是清涼山正主穴云一句
不遑無着問迄今猶作野盤僧若要參透平平實實脚
踏實地向無着言下薦得自然居鑊湯爐炭中亦不聞

熱居寒冰上亦不聞冷若要參透使孤危峭峻如金剛
王寶劍向文殊言下薦取自然水灑不着風吹不入不
見漳州地藏問僧近離甚處僧云南方藏云彼中佛法
如何僧云商量浩浩地藏云爭似我這裏種田博飯喫
且道與文殊答處是同是別有底道無着答處不是文
殊答處也有龍有蛇有凡有聖有什麼交涉還辨明得
前三三後三三麼前箭猶輕後箭深且道是多少若向
這裏透得千句萬句只是一句若向此一句下截得斷
把得住相次問到這境界

千峯盤屈色如藍還見文殊麼誰謂文殊是對談設
使青鸞也不顧踏過了也堪笑清涼多少衆且道笑

什麼已在言前前三三與後三三
試請脚下辨看爛
泥裏有刺碗子落地撒子成七片

千峯盤屈色如藍誰謂文殊是對談有者道雪竇只是
重拈一徧不曾領着只如僧問法眼如何是曹源一滴
水眼云是曹源一滴水又僧問瑯琊覺和尚清淨本然
云何忽生山河大地覺云清淨本然云何忽生山河太
地不可也喚你重拈一徧明招獨眼龍亦領其意有蓋
天蓋地之機道鄭周沙界勝伽藍滿目文殊是對談言
下不知開佛眼回頭只見翠山巖鄭周沙界勝伽藍此
指草菴化寺所謂有權實雙行之機滿目文殊是對談
言下不知開佛眼回頭只見翠山巖正當恁麼時喚作

文殊普賢觀音境界得麼要且不是這箇道理雪竇只
改明招底用却有針線千峯盤屈色如藍更不傷鋒犯
手句中有權有實有理有事誰謂文殊是對談一夜對
談不知是文殊後來無著在五臺山作典座文殊每於
粥鍋上現被無著拈攪粥匙便打雖然如是也是賊過
後張弓當時等他道南方佛法如何住持勞春便捧猶
較些子堪笑清涼多少衆雪竇笑中有刀若會得這笑
處便見他道前三三與後三三

三舉長沙一日遊山歸至兩首
今日一日只管落草
頭也是落草後頭也是落草
首座問和尚什麼處去
來也要過這老漢箭過新羅
沙云遊山來不可落

草敗缺不少草裏漢首座云到什麼處來按若有所
至未免落草相牽入火坑沙云始隨芳草去又逐落
花回漏道不少示來只在荆棘林裏坐云天似春
意相隨來也將錯就錯一手擡一手擲沙云也勝秋
露滴芙蓉主上加泥前箭猶輕後箭深有什麼了期
靈寶着語云謝答話一火弄泥團漢三箇下狀領過
長沙鹿苑招賢大師法嗣南泉與趙州紫胡輩同時機
鋒敏捷有人問教便與說教要領便與頌你若作家
相見便與你作家相見仰山尋常機鋒最爲第一一日
同長沙翫月次仰山指月云人人盡有這箇只是用不
得沙云恰是便倩你用那仰山云你試用看沙下踏踏

倒仰山起云師叔一似箇太蟲後來人號爲太蟲因
一日遊山歸首座亦是他會下人便問和尚什麼處去
來沙云遊山來座云到什麼處去沙云始隨芳草去
又逐落花回須是半斷十方底人始得古人出入未嘗
不以此事爲念看他實主互換當機直截各不相饒既
是遊山爲什麼却問道到什麼處去來若是如今禪和
子便道到來山亭來看他古人無絲毫道理計較亦無
住著處所以道始隨芳草去又逐落花回首座便隨他
意向他道大似春意沙云也勝秋露滴芙蓉靈寶云謝
答話代末後語也也落兩邊畢竟不在這兩邊昔有張
拙秀才看千佛名經乃問百千諸佛但聞其名未審居

何國士還化物也無沙云黃鶴樓崔顥題詩後秀才曾
題也朱拙云未曾題沙云得閑題取一篇也姚崇太蟲
平生爲人直得珠回玉轉要人當面便會頌云
大地絕纖埃豁開九曜當軒欲誰盡少這箇不得天
下太平何以眼不開頂門上放大光明始得撒土撒
沙作什麼始隨芳草去滿道不少不是一回落草賴
值前頭已道了又逐落花回處處全真且喜歸來脚
下泥深三尺羸鶴翹寒木左之右之添一句更有許
多閑事在狂猿嘯古臺却因親着力添一句也不得
減一句也不得長沙無限意便打末後一句道什麼
一坑埋却墮在鬼窟裏咄草裏漢賊過後張弓更不

可放過

且道這公安與仰山問僧近離甚處僧云廬山仰云曾
到五老峯麼僧云不曾到仰云閣黎不曾遊山辨經素
看是同是別到這裏須是機關盡意識忘山河大地草
芥入畜無些子滲漏若不如古人謂之猶在勝妙境
界不見雲門道直得山河大地無纖毫過患猶爲轉物
不見一切色始是半提更須知有全提時節向上一竅
始解穩坐若透得依舊山河山水是冰各住自位各當
本體如太拍盲人相似趙州道鷄鳴王愁見起來還漏
逗裙子褊衫箇也無袈裟影裏些些子視無當無口
頭上青灰三五斗本爲修行利濟人誰知翻成不唧留

若得真寶到這境界何人眼不開一任七顛八倒一場
處都是這境界都是這時節十方無壁落四面亦無門
所以道始隨芳草去又逐落花回雪寶不妨巧只去他
左邊點一句右邊點一句一似一首詩相似羸鶴翹寒
木狂猿嘯古臺雪寶引到這裏自覺漏逗驚云長沙無
限意咄如你夢却醒相似雪寶雖下一喝未得勒絕若
是山僧即不然長沙無限意掘地更深埋
垂示云掣電之機徒勞佇思當空霹靂搔耳難諧腦門
上播紅旗耳背後輪雙劍若不是眼辨手親爭能識得
有般底低頭佇思意根下卜度殊不知觸體前見鬼無
數且道不落意根不拖得失忽有箇恁麼舉覺恁麼生

祇對試舉者

舉盤山垂語云三界無法箭旣離弦無返回勢月明
照見夜行人中也識法者懼好和聲便扛何處求心
莫瞞入好不勞重舉自點檢看便扛云是什麼

向北邈州盤山寶積和尚乃馬祖下尊宿後出普化一
人師臨遷化謂眾云還有人能得吾真麼眾皆寫真呈
師師皆之普化出云某甲邈得師云何不呈似老僧
普化便打筋斗而出師云這漢向後如風狂接人去在
一日示眾云三乘無法何處求心四大本空佛依何生
璿璣不動寂止無痕觀而相呈更無餘事雪竇拈兩句
來頌真是渾金璞玉不見道瘡病不假驢藥山僧焉

什麼道和聲便打。爲作擔枷過狀。古人道聞稱聲外。
句莫向意中求。且道他意。你麼生直得奔流度劫。雷轉
星飛。若擬議尋思。千佛出世也。摸索他不着。若是深入
閻與嶺骨徹。隨見得透底盤山。一場敗缺。若承言會宗。
左轉右轉。底盤山只得一極。若是拖泥帶水。聲色堆裏。
轉未滂。見盤山在五祖先師道透過那邊。方有自由分。
不見三祖道執之失度。必入邪路。放之自然。體無去住。
若向這裏道無佛。無法。又打入鬼窟裏去。古人謂之解。
脫深坑。本是善因。而招惡果。所以道無爲無事。人猶遭。
金鎖難也。須是窮到底。始得若向無言處。言得行不得。
處。行得謂之轉身處。三界無法。何處求心。你若你情解。

只在他言下。死却雪竇。見處七穿八穴。所以頌出。

三界無法。言猶在耳。何處求心。不勞重舉。自點檢看。

打云是什麼。白雲爲蓋。頭上安頭。千重萬重。流泉依。

琴。聞麼。相隨來也。一聽一堪。悲一曲兩曲。無人會。不。

落官商。非干角徵。借路經過。五音六律。盡分明。自領。

出去。聽則聾。兩過夜塘。秋水深。迅雷不及掩耳。直得。

拖泥帶水。在什麼處。便打。

三界無法。何處求心。雪竇頌得。一似華嚴境界。有者道。

雪竇無中。唱出。若是眼皮紋底。終不待麼。會雪竇去也。

傍邊貼兩句道。白雲爲蓋。流泉作琴。蘇內翰見。照覺有。

頌云。溪聲便是廣長舌。山色豈非清淨身。夜來八萬四。

千偈他日如何舉似人。雪竇借流泉作一片長舌頭。所以道一曲兩曲無人會。不見九峯乾和尚道。還識得命麼。流泉是命。湛寂是身。千波競起。是文殊家風。一頃時空。是普賢境界。流泉作琴。一曲兩曲無人會。這般曲調也。須是知音始得。若非其人徒勞。聽耳。古人道。龍吟也。唱胡家曲。好惡高低總不聞。雲門道舉。不顧即差。互擬思量。何劫悟舉。是體顧是用。未舉已前。朕兆未分。已前見得。坐斷要津。若朕兆纔分。見得便有。照用若朕兆分後。見得落在意根。雪竇感慈悲。更向你道。却似兩過夜塘秋水深。此一頃曾有人論量。雪竇有翰林之才。兩過夜塘秋水深也。須是急著眼看。更若遲疑。即討不

度

見

垂示云。若論漸也。返常合道。猶未裏七縱八橫。若論頓也。不留朕迹。千聖亦摸索不着。儻或不立。頓漸又作麼生。快人一言快馬一鞭。正恁麼時。誰是作者。試舉看。舉風穴在郢州衙內上堂云。倚公說禪道。什麼祖師心印。狀似鐵牛之機。千人萬人撼不動。諸訛節角在什麼處。三要印開。不犯鋒鋦。去即印住。正令當行。錯住。即印破。再犯不容看。取令行時。撥便打。只如不去。不住。看無頓置處。多少諸訛。印即是不印。印即是天下人頭出頭沒。有分文彩。已彰但請。掀倒禪床。喝散大眾。時有雪竇長老出問。某甲有鐵牛之機。釣得一箇

暗曉得不妨奇特請師不答印好箇話頭爭奈請師
尤云慣釣鯨鯢澄巨浸如盤蛇步轉泥沙似鶻捉鳩
寶網漫空神駒千里陂佇思可惜許也有出身處
借放過尤喝云長老何不進語撥撥擎鼓炒將來也
陂擬議三回死了兩重公案尤打一拂子好打這箇
令須是恁麼人行始得尤云還記得話頭麼試舉看
何必雪上加霜陂擬議開口一死更不再活這漢鉗
置殺人遭他毒手尤又打一拂子牧主云佛法與王
法一般灼然却被傍人覷破尤云見箇什麼道理也
好與一撥却回鎗頭來也牧主云當斷不斷反招其
亂似則似是則未是須知傍人有眼東家入死西家

人助哀尤便下座將錯就錯見機而變且得參學事
畢

風穴乃臨濟下尊宿臨濟當初在黃檗會下栽松次檗
云深山裏栽許多松作什麼濟云一與山門作境致二
與後人作標榜道了便鑿地一下檗云雖然如是子已
喫二十棒了也濟又打地一下云噓噓檗云吾宗到汝
大興於世為山喆云臨濟恁麼大似平地喫交雖然如
是臨危不變始稱真丈夫檗云吾宗到汝大興於世大
似憐兒不覺醜後來為山問仰山黃檗當時只囑付臨
濟一人別更有在仰山云有只是年代深遠不欲舉似
和尚為山云雖然如是吾亦要知但舉看仰山云一人

指南越令行遇本風即止此乃識風尤也尤初參雪
峯五年因請益臨濟公室兩堂首座齊下一喝僧問臨
濟還有賓主也無濟云賓主歷然尤云未審意旨如何
峯云吾昔與巖頭欽山去見臨濟在途中聞已遷化若
要會他賓主話須是參他宗派下尊宿尤後又見瑞巖
常自喚主人公自云若復云惺惺着他後莫受人瞞却
尤云自拈自弄有什麼難後在襄州鹿門與廓侍者過
夏廓指他來參南院尤云入門須辨主端的請師分下
日遂見南院舉前話云某甲持來親觀南院云雪峯古
佛一日見鏡清清問近離甚處尤云自離東來清云還
過小江否尤云大舸獨飄空小江無可濟清云鏡水圖

圖山會
作秦山

山鳥飛不渡子莫盜聽遺言尤云滄溟尚怯蒙輪勢列
漢飛帆渡五湖清豎起拂子云爭奈這箇何尤云這箇
是什麼清云果然不識尤云出沒卷舒與師同用清云
杓小聽虛聲熟睡饒語尤云澤廣藏山理能伏豹清
云赦罪放僊速須出去尤云出即失乃便出至法堂上
自謂言大丈夫公案未了豈可便休却回再入方丈清
坐次便問其適來輒呈驂見冒瀆尊顏伏蒙和尚慈悲
未賜罪責清云適來從東來豈不是翠巖來尤云雪竇
親樓寶蓋東清云不逐云羊狂解惣却來這裏念詩篇
尤云路逢劒客須呈劒不是詩人莫獻詩清云詩速祕
却畧借劒看尤云燒首斷人携劒去清云不獨觸風化

亦自顯顛顛。元云若不觸風化焉。明古佛心。清云何名。
古佛心。元又云再許。允容師。今何有清云。東來衲子。救
麥不分。元云只聞不。而以何得。抑。而以清云。巨浪
湧。千尋澄波不離水。元云一句截流。萬機寢削。便禮拜。
清以拂子點三點。云俊哉。且坐喫茶。風元初到南院。便
問。入門須辨主端的。請師分。院左手拍膝。一下元便喝。
院右手拍膝。一下元亦喝。院舉左手云。這箇即從闍黎。
又舉右手云。這箇又作麼生。元云瞎院。遂拈拄杖。元云。
作什麼。其申奪却。拄杖打着和尚。莫言不道。院便擲下。
拄杖。云今日被這黃面老子。鈍置一下。元云和尚大信。
持鉢不得。詎道不飢。院云闍黎。莫曾到此間麼。元云是。

何言歟。院云好好借問。元云也不得放過。院云且坐喫
茶。你看後流。自是機鋒峭峻。南院亦未辨得他。至次日。
南院只作平常問。云今夏在什麼處。元云鹿門與廓侍
者同過夏。院云元來親見作家來。又云佗向你道什麼。
元云始終只教某甲。一向作主。院便打推出。方丈云。這
般納敗缺底漢。有什麼用處。元自此服膺在南院。會下
作園頭。一日院到園裏。問云南方一棒作麼生。商量元
云作奇特商量。元云和此間作麼生。商量院拈棒起。
云棒下無生忍。臨機不讓師。元於是豁然太悟。是時五
代離亂。郢州牧主請師度。真是時臨濟。了宗大盛。他凡
是問答。垂示不妨語句。尖新。擡花簇錦。字字皆有下落。

一日牧主請師上堂示衆云祖師心印狀似鐵牛之機
去即印住住即印破只如不去不住印即是不印即是
何故不似石人木馬之機直下似鐵牛之機無你撼動
處你拈去即印住你才住即印破教你百雜碎只如不
去不住印即是不印即是看他恁麼垂示可謂釣頭有
餌是時座下有盧陂長老亦是臨濟下尊宿取出頭來
與他對機便轉他話頭致箇問端不妨奇特道某曰有
鐵牛之機請師不搭印爭奈風穴是你家便答他道慣
釣鯨鯢澄巨浸却嗟蛙步輾泥沙也是言中有響雲門
云垂釣四海只釣得龍格外玄機爲尋知己巨浸乃十
二頭水牯牛爲釣餌却只釣得一蛙出來此語且無玄

妙亦無道理計較古人道若向事上覷則易若向意根
下下度則沒交涉盧陂佇思見之不取千載難逢可惜
許所以道直饒講得千經論一句臨機下口難其實盧
陂要討好語對他不欲行令被風穴一向用擡旗奪鼓
底機鋒一向逼將去只得沒奈何俗語云陣敗不撻否
常掃當初更要討鎗法敵他等你討得來即頭落也牧
主亦以參風穴解道佛法與王法一般穴云你見箇什
麼牧主云當斷不斷返招其亂風穴渾是一團精神如
水上葫蘆子相似捺着便轉按着便動解隨機說法若
不隨機翻成妄語穴便下座只如臨濟有四賓主話夫
參學之人須子細如賓主相見有語論賓主往來或

應揚見形全體作用或把機權喜怒或現半身或乘獅子或乘象王有如真學人便唱先拈出一箇膠漆子善知識不辨是境便上他境上作模樣學人便唱前人不肯放下此是膏肓之病不堪醫治喚你賓看主或是善知識不拈出物隨學人問處便奪學人被奪抵死不放此是主看賓或有學人應二箇清淨境出善知識辨得是境把他拋向坑裏學人言太妙善知識知識即云咄哉不識好惡學人禮拜此喚你主看主或有學人披枷帶鎖出善知識前知識更與他安下重枷鎖學人歡喜彼此不辨呼爲賓看賓太德山僧所舉皆是辨魔揀異知其邪正不見僧問慈明一唱分賓主照用下時行

時如何慈明便喝又雲居弘覺禪師示衆云譬如獅子捉象亦全其力捉兔亦全其力時有僧問未審全什麼力雲居云不敗之力看佗雲竇頌出

具

堅堯切通作鼻斷首倒縣

擒得盧陂跨鐵牛千人萬人中也要呈巧藝敗軍之將不再斬三玄戈甲未輕酬當局者迷受災如法福受降如受敵楚王城畔朝宗水說什麼朝宗水浩浩充塞天地任是四海也須倒流喝下曾令却倒流不是這一喝截却你舌頭咄驚走陝府鐵牛嚇殺嘉州

太象

雪竇知風穴有這般宗風便道擒得盧陂跨鐵牛三玄戈甲未輕酬臨濟下有三玄三要凡一句中須具三

玄一玄中須具三要僧問風穴如何是第一句穴云三要印開朱點竅未交擬議主賓分如何是第二句穴云妙辨豈容無着問溫和不負截流機如何是第三句穴云但看棚頭弄傀儡抽釘金藉裏頭人風穴一句中便具三玄玄中七事隨身不輕動他若不如如此爭奈盧陂何後面雲雲要出臨濟下機鋒莫道是盧陂假饒楚主城畔洪波浩渺白浪滔天盡去朝宗只消一喝也須教倒流

垂示云途中受用底似虎靠山山世諦流布底如猿在檻欲知佛性義當觀時節因緣欲煅百鍊精金須是作家爐鞴且道大用現前底將什麼試驗

三舉僧問雲門如何是清淨法身猛獸堆頭見丈六金身斑駁駁是什麼門云花藥欄間處不真答來箇莽莽着磕着曲不藏直僧云便恁麼去時如何渾崙吞箇棗放憨作麼門云金毛獅子也裏也敗兩來一賽將錯就錯是什麼心行

諸人還知這僧問處與雲門答處麼若知得兩口同無一舌若不知未免顛倒僧問玄沙如何是清淨法身沙云膿滴滴地具金剛眼試請辨看雲門不同別人有時把定壁立萬仞無你湊泊處有時與你開一線道同死同生雲門三寸甚密有者道是信彩答去若恁麼會且道雲門落在什麼處這箇是屋裏事莫向小卜度所以

百丈道森羅萬象一切語言皆銷歸自己今轉轉轉地
向活潑潑處便道若擬議尋思便落第二句了也永嘉
道法身覺了無一物本源自性天真佛雲門驗這僧其
僧亦是他屋裏人自是久參知他屋裏事進云便恁麼
去時如何門云金毛獅子且道是肯他是不肯他是褒
他是貶他巖頭道若論戰也箇箇立在轉處又道他參
活句不參死句活句下薦得求劫不志死句下薦得自
救不了又僧問雲門佛法如水中月是否門云清波無
透路進云和尚從何而得門云再問復何來僧云止恁
麼去時如何門云重疊關山路須知此事不在言句上
如擊石火似閃電光構得構不得未免喪身失命雲實

轉

是其中人便當頭領出

花藥欄言猶在耳莫顛預如麻似粟也有些子自領
出去星在秤兮不在盤太葛藤各自向交單下返觀
不免說道理便恁麼渾崙吞箇棗太無端自領出去
灼然莫錯恁他雲門好金毛獅子大家看放出箇
半箇也是箇狗子雲門也是箇州人送賊

雪竇相席打令動絃別曲一句一句判將去此一領不
與拈古之格花藥欄便道莫顛預人皆道雲門信彩答
將去總作情解會他底所以雪竇下本分草料便道莫
顛預蓋雲門意不在花藥欄處所以雪竇道星在秤兮
不在盤這一句或然漏逗水中元無月月在青天如星

在秤不在於槃且道那箇是秤若辨明得出不辜負雪
實古人到這裏也不妨慈悲分明向你道不在這裏在
那邊去且道那邊是什麼處此頌頭邊一句了後面頌
這僧道便恁麼去時如何雪竇道這僧也太無端且道
是明頭合暗頭合會來恁麼道不會來恁麼道金毛獅
子大家看還現金毛獅子麼瞎

垂示云休去歇去鐵樹開花有麼有麼野狐落節直饒
七縱八橫不免穿他鼻孔且道諸訛在什麼處試舉看
四舉陸道大夫與南泉語話次陸云肇法師道天地與
我同根萬物與我一體也甚奇怪鬼窟裏作活計盡
餅不可充飽也是草裏商量南泉指庭前花道什麼

咄經有經師論有論師不干山僧事咄大夫當時
下得一轉語不唯截斷南泉亦乃與天下衲僧出氣
召大夫云時人見此一株花如夢相似鴛鴦繞了從
君看莫把金針度與人莫寐語引得黃鶯下柳條

陸且大夫又參南泉尋常留心於理性中游泳肇論一
日坐次遂拈此兩句以爲奇特問云肇法師道天地與
我同根萬物與我一體也甚奇怪肇法師乃晉時高僧
與生融濟同在羅什門下謂之四哲幼年好讀莊老後
因寫古維摩經有悟處方知莊老猶未盡善故綜諸經
乃造四論莊老意謂天地形之大也我形亦爾也同生
於虛無之中莊生太意只論齊物肇公太意論性皆歸

自也不見他論中道夫至人空洞無象而萬物無非我
造會萬物爲自己者其唯聖人乎雖有神有人有賢有
聖各別而皆同一性一體古人道盡乾坤大地只是一
箇自己寒則普天普地寒熱則普天普地熱有則普天
普地有無則普天普地無是則普天普地是非則普天
普地非法眼云渠渠渠我我我南北東西皆可不可可
可但唯我無不可所以道天上天下唯我獨尊石頭因
看肇論至此會萬物爲自己處豁然太悟後作一本參
同契亦不出此意看他恁麼問且道同什麼根同那箇
體到這裏也不妨奇特豈同他常人不知天之高地之
厚豈有恁麼事陸直大夫恁麼問奇則甚奇只是不出

教意若道教意是極則出尊何故更拈花祖師更西來
作麼南泉答處用衲僧巴鼻與他拈出痛處破他窠窟
遂指庭前花召大夫云時人見此一株花如夢相似如
引入向萬丈懸崖上打一推令他命斷你若平地上推
倒彌勒佛下生也只不解命斷亦如人在夢欲覺不覺
被人喚醒相似南泉若是眼目不正必定被他搽糊將
去看他恁麼說話也不妨甚會若是眼目定動活底聞
得如醍醐上味若是死底聞得翻成毒藥古人道若於
事上見着在常情若向意根下卜度平摸索不着巖頭
道此是向上人活計只露目前此子如同電拂南泉六
意如此有擒虎兇定龍蛇底手脚到這裏也須是自會

始得不見道向上一路千聖不傳學者妄形如猿捉影
看他雪竇頌出

聞見覺知非一一森羅萬象無有一法七花八裂眼
耳鼻舌身意一時是箇無孔鐵鎚山河不在鏡中觀
我這裏無這箇消息長者自長短者自短青是青黃
是黃你向什麼處觀霜天月落夜將半引你入草了
也徧界不曾藏切忌向鬼窟裏坐誰共澄潭照影寒
有麼有麼若不同床睡焉知被底穿愁人莫向愁人
說說向愁人愁殺人

南泉小睡語雪竇太睡語雖然作夢却作得箇好夢前
頭說一體這裏說不同聞見覺知非一一山河不在鏡

中觀若道在鏡中觀然後方曉了則不離鏡處山河大
地草木叢林莫將鏡鑑若將鏡鑑便爲兩段但只可山
是山水是水法法住法位世間相常住山河不碍眼光
且道向什麼處觀還會麼到這裏向霜天月落夜將半
這邊與你打併了也那邊你自相度還知雪竇以本分
事爲麼誰共澄潭照影寒爲復自照爲復共人照須
是絕機絕解方到這境界即今也不要澄潭也不待霜
天月落即今作麼生

